



錦繡萬花谷前集卷之四

元日

白獸樽魏正旦元會設白獸樽於殿庭有能獻直言發樽飲酒晉書通典

放鵠漢地里滎陽有厄井沛公避項羽處時雙鵠集井上故漢世正旦放之又孔叢子云邯鄲人正旦獻鵠於趙簡子曰正旦放生恩也

椒花頌晉劉臻妻元日獻椒花頌晉十六栢葉銘周庾信服桃湯荆楚記進椒酒崔寔仙木白帖羽觴晉荀勗

說經奪席漢武帝正旦命羣臣說經不通者奪席戴馮乃獨坐三十餘席東觀記

坐覓孟嘉庾亮元規正旦大會州府人士河南褚裒問

亮江州有孟嘉其人何在亮曰在坐卿但自覓之哀歷
觀遂指嘉謂亮曰將無是耶亮笑曰喜哀之得嘉奇嘉
為哀之所得陶淵明集

折七松董勛答問歲首折松枝男七女二以為藥飲之

初學記

八風漢魏占候正月旦決八風風從南來大旱西南
小旱西方有兵西北豆成北方中歲東北為上歲東方
大水東南疾疫歲惡八風常與其對課多勝少久勝亟
疾勝徐漢天文志辛盤風土記爆竹荆楚記

飲屠酥元日被除不祥之具如桃枝葦索磔鷄之類是
也飲屠酥酒所以被瘟禳惡其法必自幼飲何也董勛
曰少者得歲故先酒賀之老者失歲故後與酒韻語陽秋又

元日進椒栢酒從少至老飲之今屠酥酒其遺語也詩

云但把窮愁博長健不辭最後飲屠酥東坡開元宋書獻

壽杜甫三朝前漢禮樂志三元王燭典寶履端晉熊遠肇柞何啟節傳晉

充妻畫鷄荆楚歲時記鞭聰明唐元稹

如願婢有商人過青湖見青湖君君問所欲云但乞如
願君許之得一婢有所求如願悉能致之後正旦如願
起晚商人撻之如願走入糞壤中不見今人以細繩繫
木偶投糞掃中云令如願荆楚歲時記又戴歐明每過彭蠡湖
有禮青湖君感之贈以如願錄異

人日

七日為人正月一日為雞二日為狗三日為猪四日為
羊五日為牛六日為馬七日為人北史魏又東方朔占

書云歲後八日是云其日晴所主之物育陰則災

陰時元日至人日未有不陰時杜莫七葉○青陽肇景出

龍記

梅花粧武帝壽陽公主人日梅花落額上成五色後人

效成梅花粧○鏤金董勳

剪綵人日以七種菜為羹剪綵為人或鏤金為人以貼

屏風荆楚銘山記述征飲爵壽陽陳氏進儀晉劉臻

題詩寄草堂人日題詩寄草堂遙憐故人思故鄉柳條

弄色不可見梅花滿枝空斷腸杜甫寄晨最靈○金花

杜甫西山李煎餅述征

清輝閣景龍記三年正月七日上御清輝閣令學士賦

詩○鄭公歸唐劉竦

上元

趙嘏浙人有美妾洎計偕母不許携行會上元

為鶴林之遊帥見之掩為已有明年嘏榮歸以詩感之

曰寂寞堂前日又曛陽臺去作不歸雲當時闌作沙吒

利今日青蛾屬使君帥聞遣歸詰詒祠太乙史造大蛾

金門食芋節影燈傳柑

漁陽參禰衡字正平被魏武帝謫為鼓吏正月半試鼓

衡陽接桴作漁陽參淵淵有金石之聲傳百枝燈開元

玉漏催○銀花合並蘇味

燈樓巧匠毛順上元為玄宗於上陽宮庭建燈樓一百

五十尺懸以珠玉風至鏘然成韻歲華紀

光壁殿陳後主有光壁殿上元遙詠山燈詩筆落釵張

遠蕭

李摹偷曲明皇幸上陽宮夜新番一曲明夕正月十五

日潛遊忽聞酒樓上有笛奏前夕所番曲大駭之密捕

笛者詰之自云其夕於天津橋上翫月聞宮中奏曲愛

其聲遂以爪畫譜記之即長安少年李摹也元稹連昌

宮詞云李摹擷笛旁宮墻偷得新番數聲曲連昌詞

鐵馬響水前年侍玉輦端門萬枝燈壁月掛罨魚珠星

綴觚稜去年中山府老病亦霄興牙旗穿夜市鐵馬響

春冰煉為踏歌七香車王維探官開元放雉司空圖

祭門記燃燈盤經

詩十萬人家火燭光門門開處見紅粧歌鍾喧夜銅漏

暗羅綺滿階塵土香星宿別從天上出蓮花不向水中

張蕭雪消華月滿仙臺萬燭當樓寶扇開雙鳳雲中

扶輦下六鰲海上駕山來王珪字多少樓臺好風月樂

聲香氣更無空○天醉笙歌外風香羅綺餘並石春風

來海上明月在江頭燈火家家市笙歌處處樓樂玉作

芙蓉院院明博山香度小崢嶸莫言水北人稀到也有

盤姍勃萃行韓子期人未至情如海穿市歸來月滿軒

夜齋九枝火柱連金狄萬里霜輪上璧璫錢惟天碧銀

河欲下來月華如水浸樓臺誰將萬斛金蓮子撒向皇

都五夜開

鑄龍鏡天寶中揚州進水心鏡背有盤龍先有老人自

稱姓龍名護至鑄鏡所三日開戶已失所在鏡匠移爐

端午

置船以五月五日於揚子江心鑄之背龍頗異後大旱祠龍乃大雨異聞集

賜梟羹樂書注漢令郡國賜梟五月五日為梟羹賜百官以惡鳥故食之也郊祀志

辟兵符或問辟五兵之道抱朴子曰以五月五日着赤靈符於心

闔百草端午日四民蹋百草今人又有闔百草之戲雜記

劉公嘉話云晉謝靈運鬚美臨刑因施為南海祇洹寺維摩詰像鬚唐中宗朝安樂公主五目闔百

草欲廣其物令馳驛取之又恐為他所得因剪葉其餘故黃朝英云因笑唐家公主驂預令馳驛剪襪洹雜記

曹娥抱父屍曹娥父以五月五日溺死娥循江號哭七日遂投江三日抱父屍俱出異苑

崔信明生唐崔信明五月五日生日方中有異雀鳴集

庭柱太史令史良占曰五日為火火生離離為文日中文之盛也雀五色而鳴此兒將以文顯本傳

孟嘗君齊田嬰賤妾有子名文五月五日生嬰告母曰勿舉也其母竊舉之及長其母因兄弟而見其子嬰怒

曰吾令若去此子而取之何也文頓首因曰君所以不舉五月子者何故嬰曰五月子者長與戶齊將不利其

父母文曰人生受命於天乎受命於戶乎嬰默然文曰必受命於戶則可高其戶耳人誰至者嬰曰子休矣後

文立是為孟嘗君

胡廣生胡廣字伯始本姓黃以五月五日生惡之甕盛棄江中胡公見收養之為己子世說

王鳳生王鳳以五月五日生父欲不舉曰俗諺舉五日之子及戶則自害不則害父母其叔父曰昔田文以此日生後為孟嘗君非不祥也西京雜記

溺死屈原以五月五日自投汨羅死後人以舟楫救之遂成俗為競渡也

水馬浮江黃朝英詩孟君此日鍾英氣王鳳今朝襲慶

源五色呈祥文必顯丙時先誕位非尊蘭湯備浴傳荆

俗水馬浮江吊屈原因笑唐家公主駭預令馳驛剪祗

洄青箱雜記祠陳臨傳祭屈續齊記浴蘭青箱雜記懸艾荆楚歲

七夕

王方平詣蔡經家仙人王遠字方平位為總真真人七

月七日偶降蔡經家威儀如大將軍持玉壺十二皆以

蠟封遣人招麻姑麻姑至指爪長數寸經見之意可以

肥癢忽有鐵鞭鞭經背有陳縣尉聞經家有神人乞見

遠曰君心邪未可以教仙道以一符與陳可以存本壽

陳後一百二十歲而死神仙傳

黃姑玉臺新詠載詠歌曰東飛伯勞西飛燕黃姑織女

長相見牽牛謂之河鼓河鼓聲轉而為黃姑也本注

織女失侍兒秦併六國時太白星竊織女侍兒梁玉清

衛承莊逃入衛城小仙洞四十六日不出天帝怒命五

嶽搜捕太白歸位衛承莊逃焉玉清子名子休玉清謫

於北斗下常春其子配與河伯行雨獨思

方朔窺王母 七月七日西王母降漢武帝東方朔於朱

雀牕中窺王母時母以桃七枚獻帝帝欲留核種之王

母笑曰此桃一千年生花一千年結實指方朔曰此兒

三偷桃矣帝內傳

長生殿私語 唐元宗與楊貴妃避暑驪山宮七日牛女

相見之夕夜半妃獨侍上上凭肩密相擔心願世世為

夫婦故長恨詞曰七月七日長生殿夜半無人私語時

在天願為比翼鳥在地願為連理枝

竇后神光 竇后少小頭禿不為家人所齒遇七夕日人

皆看織女獨不許出乃有神光照室為后瑞后傳

開襟樓 漢綵女七夕皆穿針於開襟樓西京雜記

王喬乘白鶴 王子喬曰七月七日待於緱山頭其家候

之至日果乘白鶴於山頭望之不可到舉首謝時入而去

騎赤龍 陶安公時諺曰安公安公與天通七月七日迎

女以赤龍至時安公騎赤龍而去並列仙傳

九微火 仙車駐七襄鳳駕出天潢月映九微火風吹百

和香何遜七夕詩

真如得雲寶 唐開元中有李氏為尼號曰真如天寶七

年七月七日忽見五色雲墜地一囊中有五物乃寶玉

也肅宗元年真如為神人召往化城見天帝授以八寶

俾獻于朝真如乃併前五物皆獻之唐寶記

詩 人間一葉梧桐飄蓍收行秋回斗杓神官召集役靈

鵲直渡銀河雲作橋河東美人天帝子機杼年年勞玉

指織成雲霧紫綃衣辛苦無歡容不理帝憐獨居無與
娛河西嫁與牽牛夫自從嫁後廢織紅綠髮雲鬟朝暮
梳貪歡不歸天帝怒謫歸却踏來時路但令一歲一相
見七月七日橋邊渡別多會少知柰何却憶從前恩愛
多忽忽萬事說不盡燭龍已駕隨羲和橋邊靈官曉催
發令嚴不管輕離別空將雨淚作滂沱淚痕有盡愁無
歇我言織女君休歎天地無窮會相見猶勝姮娥不嫁
人夜夜孤眠廣寒殿文六幕西回斗轉車鮮雲點綴王
鈎斜天孫已渡黃姑渚阿母還來漢帝家揚大年雲意不
交天更濶星光不動漢空流素娥青女曾無匹霜月亭
亭各自愁石曼卿玉殿凭肩共語時風清月墜有誰知梧
桐秋雨三山遠始信生前有別離龔七夕今宵看碧霄

牽牛織女渡河橋家家乞巧望秋月穿盡紅絲幾萬條
林盈盈一水不斯須經歲相過自作踈豈待翔禽報佳
會徑須飛過洗香車超騰水部陳篇上收拾愚溪作賦
餘后年年乞與人間巧不道人間巧已多楊唯愁更漏
促離別在明朝僧清江恐是仙家好別離故教迢迢作佳
期由來碧落銀河畔可要金風玉露時清漏催移相望
久微雲未接過來遲豈能無意酬烏鵲唯有蜘蛛乞巧
絲○已駕七香車心心待曉霞風輕唯響佩日暮不媽
花桂嫩傳香遠榆高送影斜成都過卜肆曾是識靈槎
並李義山

中秋

登天柱峯趙知微有道術中秋積陰不解衆惜良辰知

微曰可備酒殺登天柱峯翫月既出門天色開霽及登峯月色如晝及下山歸則淒風苦雨陰晦如故三水小

武夷君合樂武夷山神號武夷君一日語村人曰汝等

以八月十五日會山頂是日畢集聞空中人聲不見其

形須臾樂響但見樂器不見其人諸山記

取月置懷唐太和中周生善道術方中秋日客來周

曰我能挈月置之懷袖因取數百斤繩而架之我將此

梯取月乃閉目久之忽天地黑仰視無雲俄呼曰至矣

手舉其衣出月寸許一室盡明寒入肌骨食頃如初出宣

室志

有月珠多海賈云中秋有月則是歲珠多坡詩

不見折足鐺周貫自號木鴈子至袁州見李生秀韻欲

其歸林下李嗜酒色難其行周指煮藥鐺作偈曰頑鈍

天教合作鐺從初三脚豈能行雖然有耳不能聽只愛

人間戀火坑後有人見於京師附書與李生云明年中

秋夕當上謁至時生以事出貫乃以白土書其門曰今

年中秋夕來赴去年約不見折足鐺彈指空剝剝冷齋

三字來何中正登第求卜於郭從周贈之詩云三字來

時月正圓一麾從此出秦關何後以八月十五日授以

制誥言邊事忤旨出知秦州翰苑名

金背蝦蟆長慶中八月十五日夜有人玩月見林中光

屬天如匹布尋視之見一金背蝦蟆西陽雜

詩暮雲收盡溢清寒銀漢無聲轉玉盤此宵此景不長

好明月明年何處看○明月未出羣山高瑞光千丈生

白毫一盃未盡銀闈湧亂雲脫壞如崩濤誰為天工洗
眸子應費銀河千斛水東坡風簾浙浙漏銀痕一半秋光
此夕分天為素娥孀怨苦併教西北起浮雲羅隱中秋不見月
高秋渾似水萬里正圓明玉兔步虛碧冰輪碾太清廣
寒宮有路桂子落無聲吾館無弦彈棲鳥莫要驚靈原夫人
九十日秋色今朝已中分孤光含列宿四面絕纖雲衆
木排踈影寒流疊細紋廖凝

重陽

沙苑射鴈唐明皇重陽日獵于沙苑有鴈飛帝射中之
鴈帶箭西南而去益州道觀第一院有道士徐佐卿寄
寓一日自外持一箭來曰吾行山中為飛箭所傷已無
恙因掛箭于壁書其月日且云此後十年箭主到此付

之後明皇幸蜀至此觀乃見箭廣異記

鶴林開花山石榴一名山躑躅一名杜鵑花潤州鶴林

寺有杜鵑花或見女子紅裳艷粧遊於花下俗傳花神
也周寶鎮浙西謂道人殷七七曰鶴林寺花可開副重
九乎曰可乃前二日往女子來謂曰今為道者開之至
九日爛熳唐宋詩話故東坡詩鶴林神女無消息云

題東閣李義山乃令孤楚故吏楚子綯繼相殊不展分

重陽日義山詣綯廳事題云曾共山翁把酒卮霜天白
菊正離披十年泉下無消息九日樽前有所思莫學漢
臣裁首宿還同楚客詠江籬郎君官重施行馬東閣無
由得再窺綯乃閉此廳終身不處北臆瑣

登響山李白集聞九日崔侍御遊敬亭余時登響山不

同此醉後寄崔詩有云九日茱萸熟插髮傷早白登高望山海滿目悲古昔本集

宴滕王閣王勃過鍾陵九月九日都督大宴滕王閣宿命其婿作序因出紙筆遍請客至勃泛然不辭遂酣臥

少頃成文本傳

遊戲馬臺劉裕為宋公在彭城九月九日遊項羽戲馬

臺文選

龍山落帽孟嘉為桓温參軍九月九日温遊龍山僚佐畢集風吹嘉帽落如廁不覺温令孫盛嘲之

騎臺后山詩平林廣野騎臺飛騎臺即戲馬臺也

佩茱飲菊漢武帝宮人賈佩蘭九月九日佩茱萸飲菊酒云令人長壽坡詩菊蕊茱萸自古傳

煎茶僧皎然九日與陸羽煎茶羽號桑苧翁坡詩

云明年桑苧煎茶處憶着衰翁首重回

黃菊歌唐韋綬為學士以心疾還第會九日德宗作黃

菊歌顧左右曰安可不示韋綬即遣使持往綬遽奉和

附進

高麗館齊高祖以九日登高麗館世呼為九日臺南史

緩箭不中唐蕭瑀不解射九月九日賜宴射瑀箭俱不

着堞歐陽詢詠之曰急風吹緩箭弱手御強弓欲高翻

復下應西還更東借問誰為此只應是宋公宋公瑀封

國也太平廣記

題鮓劉夢得欲用鮓字作九日詩以五經中無之不復

為宋子京以為不然故子京有九日食鮓云麗館經霜

拂曙袍糗餐花飲闌分曹劉郎不敢題
鮮字虛負詩中
一世豪遂為絕唱糗餌粉餐鮮類也
邵氏聞見

重巖細菊 小驛香醪嫩重巖細菊班遙知簇鞍馬回首

白雲間 杜詩

詩 老去悲秋強自寬興來聊復為君歡羞將短髮還吹
帽笑倩傍人為正冠藍水遠從雙澗落玉山高並兩峰
寒明年此會知誰健更把茱萸子細看 杜木落霜洲溪
水清登臨滿日是飄零黃花有意憐幽獨白酒無聊漫
醉醒牢愁錯倚西風立楚些巴歛不可聽 李漢 九日東
籬採菊英白衣遙見眼能明向今自有盃中物一段風
流可得成 韓子 豈有白衣來剝啄亦從烏帽自歌斜真
成獨坐空搔首門外蕭蕭噪暮鴉 程致 我醉欲眠君罷

休已教從事到青州髮霜饒我三千丈詩律輸君一百
籌聞道郎君閉東閣且容老子南樓相逢不用忙歸
去明日黃花蝶也愁 東坡 九日清尊欺白髮十年為客負
黃花淮海少年天下士可能無地落烏紗 后山

冬至

絡秀舉觴 晉周顛母李氏字絡秀生顛及嵩謨元帝時
並列顯位嘗冬至舉觴賜三子曰爾等並貴列吾復何
憂嵩曰恐不如尊旨顛志大才短非自全之道嵩性直
不容於世唯阿奴碌碌當在母目下耳阿奴謨小字也
後皆如其言 本傳

視日晷 冬至之日立八尺之表日中視其晷晷如度者
其歲美不如度者則歲惡晷進則水晷退則旱進一尺

則日食退一尺則月食後律歷志注

會八能後漢天子以冬夏二至御前殿會八能之士陳

八音聽樂均度禮儀志

增一線去歲茲晨捧御床五更三點入鵝行何人錯憶

窮愁日愁日愁隨一線長唐宮中以女工揆日之長短冬至後繡工日增一線魯直

云此說詩也杜詩

一陽冬至日易傳曰一陽為復二陽為臨三陽為泰

三極月令章句曰有三極晝漏極短去極極遠晷景極

長後漢律歷志注

火城冬至元日百官已集宰相列燭多至數百炬謂之

火城至則眾燭皆滅國史補

翫冰筋唐開元冬至大雪簷溜皆為冰條妃子使侍兒

敲二枝看玩帝問何物妃子笑曰妾所玩者冰筋撫遺

繡線刺繡五紋添弱線吹葭六琯動飛灰杜甫

踐長曹植曰冬至獻履所以迎福踐長孫仲益云踐長

光亨之始

冰如玉炭長河夜欄干層冰如玉炭鮑照冬至詩

歲除

大難偃子偃音振逐疫之人也續漢書歲除大難選中

黃門子弟十歲以上十二歲以下百二十人赤幘皂衣

執靴以行東漢皇后紀

阿奢娶婦唐竇懷貞會歲除中宗宴近臣謂懷貞曰聞

卿喪妻今欲繼室可乎懷貞唯唯俄而禁中寶扇障衛

有衣翟衣出者已乃衛后乳媪所謂莒國夫人者故蠻

婢也懷貞納之不辭世謂媪婿為阿箸懷貞每奏事輒自署皇后阿箸而或謂國箸軒然不慚本傳

烹白牛分歲長沙北禪賢和尚歲除示眾云今夜無可

供養大眾待烹箇露地白牛與諸人分歲舉猶未了有

僧出云今官中追呼和尚不合私剝耕牛兼索皮角賢

拚下頭袖僧拾取歸眾松庵云北庵可謂孝順翻成骨

董含飯還覺面腫一物來到口邊先被旁人抑擻松庵錄

餽歲別歲守歲蜀之風俗晚歲相與餽問謂之餽歲酒

食相邀為別歲至除夕達旦不眠謂之守歲東坡有三

赴磬地欲知垂盡歲有似赴磬地修鱗半已沒去意誰

能遮况欲繫其尾雖勒知柰何東坡詩

詩今歲今宵盡明年明日催寒隨一夜去春逐五更來

氣色空中改容顏暗裏衰風光人不覺已入後園梅史

雜日

正月二十日天穿江東俗號正月二十日為天穿日以

煎餅置屋上謂之補天穿李白詩云一枚煎餅補天穿

二月一日唐德宗以寒食多與上巳同時欲以二月名

節自我為古李泌請廢正月晦以二月節為中和節因

賜大臣戚里尺謂之裁度民間以青囊盛百穀瓜果相

問遺號獻生子里閭釀宜春酒以祭勾芒神以祈豐年

百官進農書以示務本帝悅乃著令與上巳九日為三

令節李泌傳

二月望日蜀人二月望日鬻蠶器於市因作樂縱觀謂

之蠶市二蘇各有詩子猷詩

蘇詩

三月三日金人捧劍羽觴隨波晉武帝問摯虞三月曲水其義何指答曰漢章帝時平原徐肇以月初生三女至三日俱死一村以為恠乃招之水濱洗祓遂因流水以泛觴曲水之義起此帝曰若如此說便非嘉事東晉曰摯虞小生不足以知昔成王卜洛因流水以泛酒故逸詩曰羽觴隨波又秦昭王三日置酒曲水有金人自泉而出捧水心劍曰令君制有西夏因立為曲水二漢相公皆為盛事續齊諧記

登八公山宋武帝三月三日登八公山劉安故臺曰城郭如匹帛之繞叢花也

細柳園景龍記三月三日祓禊於渭陽上賜羣臣細柳圈各一二云帶之免蠱毒也

四月八日洗佛藥山四月八日見遵布衲洗佛云汝只

洗得這箇還洗得那箇遵云請將那人來山遂默然歸方丈密印禪師曰藥山無風起浪被遵布衲一靠直得鋒鋷結舌羅麼一場御語

為母灌像劉敬宣四月八日見人灌佛乃下頭上金鏡為母灌像因悲泣不自勝本傳

四月十五日櫻筍厨十五日自堂厨至百司厨謂之櫻筍厨

五月三日扇市端午前兩日東市謂之扇市車馬特盛並秦中歲時記

五月十三日竹醉魯直詩注云五月十三日竹醉宜栽竹辰日可種瓜詩云夏栽醉竹餘千箇春種辰瓜滿百

區

七月十五日于盥蘭盆目連以母生餓鬼中佛令作盥蘭盆至七月十五日百味五果蓋盆中供養十方而母得食佛經

八月一日五明囊鄧紹以八月一日入華山見一童子

執五綵囊盛柏葉上露紹問之答曰赤松先生取以明

眼又梁簡文帝云婦人八月旦多錦翠為眼明囊凌晨

取露拭目續齊諧記又述仙記云八月一日作五明囊盛百

草露以洗眼集鷄跖

天灸楚俗以八月一日以朱墨點小兒額為天灸以壓

疾病荆楚歲時記

腰祭楊子曰不腰臘也歟八月旦也令河東奉以為祭祀法言

八月五日千秋節唐明皇八月五日生張說奉詔置千秋

節顧况有八月五日歌云八月五日天氣新昭成太后

生聖人

承露囊隋唐舊事千秋節戚里王公進鏡綬帶士庶結

承露絲囊以相遺問

十月五日赤鳳來曲漢宮故事十月五日上靈女廟吹

項擊鼓連臂踏歌歌赤鳳來曲趙飛燕外傳

十二月十六日星回南詔以十二月十六日為星回節

是日登避風臺而清平官賦詩略曰自我居震旦翊衛

賴稷契盖南詔詞臣曰清平官天子曰震旦廣記玉編事

清明繡羽銜花朝來新火起新煙湖色春光淨客船繡

羽銜花他自得紅顏騎竹我無緣繡羽眼前所見文禽街花也杜甫清明詩

錦繡萬花谷前集卷之四

錦繡萬花谷前集卷之五

地

碁局天圓如倚盖地方如碁局天周於外地如卵黃焉
鷄子中黃天如鷄子地如鷄子中黃居於天內天大而地小表裏有水四海之表浮於元氣之上天地各乘元氣載水而行晉志

坐大船地常動右轉譬人在大舟中閉牖而坐舟行而人不覺河圖括地

地軸春秋括地象云地有三千六百軸

禹步四極諸子稱地東西九十萬里南北八十五萬里日月所照三十五萬里地乃過日月之表近為虛誕山海經稱禹使章亥步東極至西垂二億三萬三千三百

里又使堅亥步南極至北垂二億三萬三千五百里後
文志

二億三萬餘里八極之廣東西南北相去各二億三萬
餘里自地至天半八極之數晉書地理志

山嶽附石

岱宗泰山一名岱宗王者受命易姓報功告代於其上
岱者代也白虎通義

衡山五峯芙蓉紫蓋石廩天柱祝融

日觀太山東南名曰日觀鷄一鳴時見日出秦觀者望

見長安吳觀者望見會稽周觀者望嵩山見黃河如帶

天門登泰山凡五十餘盤東上七十里經小天門大天

門仰視天門如穴中視天牕並泰山記

祝融衡山有祝融峰詩云一千里地盡皆見七十二峰
中最高青瑣

崑崙山萬一千里水經云崑崙山去高高五萬里其高

一萬一千里又仙傳拾遺云西王母居崑崙之圃閼風

之苑有城三千里玉樓十二左帶瑤池右環翠水又十

洲記崑崙山有三角一角正北名閼風嶺一角正西名

玄圃臺一角正東名崑崙宮王母居焉

天台山四萬八千丈李太白天姥吟云天姥連天向天

橫勢支五嶽掩赤城天台四萬八千丈對此欲倒東南

傾

黃山四千仞送人歸黃山白鵝峰云黃山四千仞三十

二連峰丹崖夾石柱菌菌金芙蓉並白集

九華山青陽縣南有九子山高數千丈有九峰如蓮花
按圖徵名無所依據予乃削其舊號加以九華之目傳
之將來李白集

天目山三萬六千丈天目山在湖州安吉縣其高三萬
六千丈勢連錢塘樂史寰宇記

羅浮耀真天羅山浮山合體故稱羅浮在魯城博羅二
縣之境高三千丈有七十石室七十長溪名耀真天記
云山高三千六百丈周回二百七十七里羅山也浮山
乃蓬萊之別島堯時洪水浮至依羅山而止故曰羅浮

文見東風詩注

崆峒山有三其一在臨洮一在安定一在汝州出

記

五丁蜀王本紀云天為蜀王生五丁力士能徙山秦王
獻美女於蜀王蜀王遣五丁迎女見一大蛇出穴中五
丁共引蛇山崩秦王女皆化為石

秦始皇作石橋欲過海觀日出有神人能驅
石下海石去不速神輒鞭之石皆流血又云始皇以術
召石石自行至今皆東首三齊畧記

孔子與顏回俱上泰山孔子望吳閭門
外有繫白馬引顏淵以指之若見吳閭門乎顏淵曰見
之有若繫練之狀孔子撫其目而止之因與俱下顏淵
髮白齒落遂以病死論衡

雲根唐人多使雲根為石以雲觸石而生白樂天天竺
石詩云下擔拂雲根東坡亦有詩云東麓雲根露芽角

詩注

山骨退之聯句巧匠琢山骨刻中事前烹謂石鼎也

溪中骨山谷詩車載溪中骨推排若差肩

湖嵌韓文蕭碧遠輸委湖嵌費携擎蕭碧謂竹也湖嵌謂石也

江玳碎月坡公寄石斛恠石詩云山骨裁方斛江玳拾

淺灘清池上几案碎月落盃盤江玳碎月言恠石也詩注

海

歸墟渤海之東不知幾億萬里有大壑焉實為無底之

谷名曰歸墟八紘九野之水莫不注之列子

沃焦沃焦在碧海之東有石濶四萬里厚四萬里居百

川之下尾故又名曰尾閭山海經堯時十日並出堯使

羿射九日落為沃焦又莊子疏

海賦南史王融作海賦文辭詭激以示顧愷之

愷之曰此賦實超玄虛但恨不道鹽耳即注曰漉沙構

白熬波出素積雪中春飛霜暑路本傳

海不揚波賦阮昌齡一筆成文其警句云收碣石之宿

霧歛蒼梧之夕雲八月靈槎泛寒光而靜去三山神闢

湛清影以遙連名賢詩話

東方朔十洲記東有碧海廣狹與東海等水不鹹

苦正作碧色扶桑山在碧海中

海市杜詩青海無傳箭天山早掛弓

登州海中時有雲氣如宮室臺觀人物車馬歷歷

可見謂之海市歐公使河朔過高唐縣夜有鬼神自空

中過人馬之聲可辨父老云二十年前晝過亦彷彿見

人物謂之海市 筆談

海外雜國南州皆岸大海多洲島飄風一日踔數千里漫不見蹤跡其海外雜國若耽浮羅流求毛人夷亶之洲林邑扶南真臘于陀利之屬東南際天地以萬數或時候風潮朝貢蠻胡賈人舶交海中若嶺南帥得其人則外國之貨日至 韓文送鄭序

潮

日激水而潮生

日傳于天天右旋入海而日隨之水因其灼激而退退于彼必盈于此則潮之往來不足恠也日激水而潮生月離水而潮大地浮於水天在水外日入則晚潮激於左日出則早潮激於右 文粹

天河海三水相合縻氏云天河從北極分為兩條至於

南極其一經南斗中過其一經東斗中過兩河隨天轉入地下過而下水相得又與海水合三水相蕩而天轉之故激湧而成潮水 抱朴子

錢鏐以弓弩射潮頭

吳越王錢鏐嘗以弓弩射潮頭與海神戰自爾水不近城東坡詩云江神河伯兩醯鷄海若東光氣吐霓安得夫差水犀手三千強弩射頭低

子胥乘素車為潮神

吳子胥死戒其子投於江中吾當朝暮乘潮以觀吳之敗自是海門山潮頭高洶湧數百尺越錢塘漁浦方漸低小潮暮再來其聲震怒雷奔電激聞百餘里時有見子胥乘素車白馬在潮頭之中因立廟以祠之

夏潮大冬潮小

潮者據朝來也言夕至也一月之中天

再東再西故潮水再大再小又夏時日居南宿陰消陽盛而天高一萬五千里故夏潮大也冬時日居北宿陰盛陽消而天卑一萬五千里故冬潮小也春日居東宿天高一萬五千里故春潮漸起也秋日居西宿天卑一萬五千里故秋潮漸減也抱朴子

沓潮早潮下晚潮上兩水相合謂之沓潮

陵山觸屏又曰濤水者潮取物多者其力盛來遠者其

勢大今潮水從東地廣道遠陵山觸岸從直赴曲其勢不泄故涌起成濤並番禺記

詩八月十八潮壯觀天下無鯤鵬水擊三千里組練長驅十萬夫○海上濤頭一線來樓前指顧雪成堆從今朝上君須認更看銀山二十回

川瀆

水神無支祈唐末秦中李湯任楚州有漁人釣龜山下

入水見大鐵鎖盤繞山足湯命漁人加五十牛曳之見一獸狀如青猿觀者奔走後公泛洞庭得古嶽瀆經云禹理淮水驚風迅雷禹怒獲淮渦水神名無支祈受之庚神庚神鎖之置龜山之下見異聞

紫山黃河源河之上流由洪濟梁西南二千里水益狹春可涉秋夏乃勝舟其南三百里三山中高而四下曰紫山古所謂崑崙者也東距長安五千里河源其間流澄緩下稍合眾流色赤見行益遠他水并注則濁河源南北直莫賀延尾蓋劔南之西唐劉元鼎所見如此吐

淮水絕王氏滅王導初仕郭璞筮之曰淮水絕王氏滅

西日本傳

穎水濁灌氏族灌氏汝陰人陂池田園行穎水穎水兒歌曰穎水清灌氏寧穎水濁灌氏族

護風寒數處吳紀步陟聘魏文帝問吳之戍備幾何曰

自西陵至江都五千七百里疆界雖遠必爭之地不過數四猶人有六尺之軀其護風寒亦數處爾

笑布囊塞江孫權嘗曰呂岱步陟說北人欲以布囊盛

土塞江每讀此表令人連日失笑初學記云

湖

五湖即太湖三萬六千頃禹貢謂之震澤周官謂之具

區史謂之五湖以周回五百里故謂五湖又名笠澤又

名太湖發湖州長興縣界入常州晉陵界又入無錫界

晉陵之東入蘇吳縣界廣三萬六千頃下有地道潛通

亡陵龍威丈人之所居也又或稱洞庭十道記

洞庭青草洞庭湖西岸有沙洲堆阜隆起即青草廟下

一湖之內中有此洲南名青草北名洞庭所謂重湖也

張舜南遷錄

宮亭湖分風東漢時廬山有神與人語言飲酒投盃能

令宮亭湖中分風船行舉航相逢樂巴為豫章太守未

到十數日廟問神不復作聲本傳

臨安

龍飛鳳舞郭璞有識云天目山前兩乳長龍飛鳳舞到

錢塘海門兩點蛾眉在五百年生異姓王自東晉迄五

代錢鏐適當其年

鷲峰蟾窟月缺霜濃細蕊乾此花元屬桂堂仙鷲峰子

落驚前夜蟾窟枝空記昔年東坡以桂花分贈楊綸堂

仙廬娥天竺山昔有梵僧云此山自天竺鷲峯飛來八月十五日日夜嘗有桂子落蟾窟指楊綸及第也坡詩

金堂玉室許邁遺王羲之書云自山陰南至臨安多有

金堂玉室左元放之徒在焉坡注

錦谿錢鏐宴故宅山林皆蒙以錦故有錦谿又有石鏡

鏐照之鏡起而聳臨安志

衣錦城唐昭宗升錢鏐營為衣錦城石鑑山曰衣錦山

鏐宴故宅林皆覆以錦又號其幼所嘗戲大木曰衣錦

將軍五代史

石鏡臨安淨土寺前有石鏡錢鏐布衣時嘗照鏡鏡起

而聳

陌上花吳越王妃每歲春必歸臨安王謂妃曰陌上花

開可緩歸吳人用其語為歌其詞東坡為易之其一曰

陌花開時蝴蝶飛江山猶是昔人非遺民幾度垂垂老

遊女長歌緩緩歸坡詩

還鄉歌錢鏐為鎮東軍節度使封吳越王唐昭宗詔以

所居為衣錦城大官山曰功臣山鏐宴故老作還鄉歌

曰三郎還鄉兮衣錦衣父老遠來相追隨斗牛無索人

無欺吳越一王駟馬歸鞍功臣等

天竺寺白樂天天竺寺詩云一山門作兩山門兩寺元

從一寺分西澗水流東澗水南山雲起北山雲前臺花

發後臺見上界鍾清下界聞遙想吾師行道處仙花桂

子落紛紛 本集

靈隱寺 宋之問遊靈隱寺夜吟曰鷲嶺鬱岵堯龍宮隱

寂寥久不能續有老僧坐禪曰何不道樓觀滄海日門對浙江潮桂子月中落天香雲外飄門蘿登塔遠剝木取泉遙霜薄花更發冰輕葉互凋待入天台路看余渡石橋遲明僧不見人以為駱賓王也 古今詩話

夢謝亭 白樂天詩夢兒亭古傳名謝歌妓樓新道姓蘇

州西靈隱寺山上有夢謝亭即杜明甫夢謝靈運之所因名夢兒山白集

却月廊 夢遶吳山却月廊楊梅盧橘覺猶香 杭州梵天寺有月廊

數百間多楊梅盧橘坡詩

三百六十寺 西湖天下景遊者無愚賢淺深隨所得誰

能識其全三百六十寺幽尋遂窮年所至得其好心知

口難傳 坡詩

積葑築堤 杭州西湖南北三十里環湖往來終日不達

東坡治葑田積湖中為長堤以通南北又云已打量葑田二十五萬餘丈 墓誌

蘇公堤 杭州本江海之地水泉鹹苦唐刺史李泌始引

西湖水作六井民足於水及白居易復浚西湖淤水入運河自河入田所溉至千頃然湖水多葑久廢開治至是積二十五萬餘丈而水無幾矣運河失湖水之利取給於江潮潮濁多淤河行闌闌中三年一淘為市井大患而六井亦幾廢子瞻至浚二河以茅山一河受江潮以鹽橋一河受湖水復造堰閘以為湖水蓄洩之限然後潮不入市且復修六井又取葑田積湖水為長堤以

通南北杭人名其堤曰蘇公堤墓誌

詩望海樓明照曉霞護江堤白耀晴沙濤聲夜入伍員

廟柳色春藏蘇小家紅袖織綾誇柿蒂青旗沽酒聽梨

花城東樓名望海俗號酒名梨花春餘杭形勝四方無州傍青山縣枕

湖遶郭荷花三十里拂城松樹一千株夢兒亭古傳名

謝歌妓樓新道姓蘇樂天錢塘江北百餘里漲沙不復生

菰蒲沙田老桑出葉麓江湖打根根半枯八月九月秋

風惡風高駕潮晚不落鼓聲鼕鼕艫咿啞爭湊富春城

下泊魏无樓觀滄海日門對浙江潮桂子月中落天香

雲外飄駱賓王燈火萬家城四畔星河一道水中央樂天門

前碧浪家家海樓上青山寺寺雲陳堯佐鎮長錦繡花邊

日堆疊琉璃水面風范堯夫水光瀲灩晴方好山色空濛

雨亦奇欲把西湖比西子淡粧濃抹總相宜東坡日暖梨

花催美酒天寒桂子落空山歐公

蘇州

虎丘吳王闔廬葬國西銅棺三重水銀為池金玉為鳧

鴈扁諸之劍三千方圓之劍三千繁郢魚腸之劍在焉

葬後三日金精之氣上揚化為虎據其墳故號虎丘

蛇門闔閭內傳云立闔門者以象天門通闔闔風立蛇

門者以象地戶並吳越春秋

姑蘇臺越絕書曰闔閭起姑蘇臺三年聚材乃成高見

三百里

闔閭城吳王闔廬使伍子胥相土嘗水象天法地築為

大城四十里小城十里開八門以象八風吳郡圖

觀風樓飛雲閣白樂天於西樓命宴齊雲樓晚望皆有

西樓今之觀風樓也齊雲閣今之飛雲閣也圖經

潤州

狼石潤州甘露寺有石如羊名狼石相傳諸葛孔明與孫權坐此以謀曹公坡注

萬歲樓潤州城南有樓名萬歲俗傳樓上煙出刺史即死不死即罷開元後董琬採訪居此州盡日煙出刺史憂愁至死乾元中又煙出有史密俟之就視乃蚊子樓中有井小蟲黑色而小作團而上遙見類煙從此無慮

廣記

四雄甘露寺有狼石諸葛亮孫權坐此謀曹公又有二鐵鑊梁武帝所鑄李德裕祠堂坡詩云四雄皆龍虎遺

迹儼未刊

潤州城西有嶺入江高數十丈三面水照號曰北嶺蔡君謨起樓其上武帝升之乃曰此嶺不足須固守京口實乃壯觀遂改曰北固故詩云北固樓前一箇風碧雲飛入建昌宮

戴顓世居剡下又徙居京口止黃鶴山宋文帝

欲見之嘗謂黃門曰吾東巡之日當宴戴公山下南史

兩州城郭青煙起千里江山白鷺飛○三峽江聲流

筆下六朝山影滿樽前楊雄風搖碧綠畫角吊黃昏一

帶分江汜雙峯點海門韓持雲捧樓臺聳天上風飄鐘

磬落人間銀河倒瀉分雙月錦水西來轉幾山揚金山

皆在滄溟中雲崖氷柱浮仙宮乾坤扶持自今古日月

彷彿躔西東寒蟾八月蕩瑤海秋光上下磨青銅鳥飛
不盡暮天碧漁歌忽斷蘆花風鄒正萬古波心寺金山
名日新天多剩得月地少不生塵過櫓妨僧夢驚濤濺
佛身誰云張處士題後更無人孫海山亂點當軒出江
水中分遶檻流天遠樓臺橫北固夜深燈火見揚州揚
樓臺影落魚龍駭鐘磬聲來水石寒日暮海門飛白鳥
潮回瓜步見黃灘江天末海門橫北固煙中沙岸似西
興王介僧依玉鑑光中佳人在金鰲背上行蘇水光浮
柱礎天影帶樓臺觸石雲孤起吹潮雨四來石曼卿山分
江色破潮帶海聲來范仲淹淮船分蟻點江市聚蠅聲徐
濤頭風雪裏山脚石蟠虬女仙

秀州

携李吳王闔閭伐越越王迎擊之携李越使死士挑戰
三行造吳師自到吳師觀之越因伐吳敗之姑蘇携音
醉在嘉興縣有携李城今秀州也史記

湖州

太湖

事見湖門

苕溪霅溪苕水出浮玉山又云霅水苕水之别名大率

一水二名皆在湖州

寰宇記

又坡詩注苕溪四水之一名四水合為一溪曰苕溪曰
前溪曰餘溪曰霅溪

白蘋洲

柳惲為吳興守詩曰汴洲採白蘋日晚江南春

因此得名

坡詩注

弁峰霅水未渾纓可濯弁峯初見眼應明

弁峯湖州山名坡詩

松江一名笠澤出太湖東北入海吳郡圖

崑山在本縣西北又在華亭晉陸機與弟雲生於華亭以文為世所貴時人比之崑岡出玉故此山得名

水晶宮吳興集刺史楊漢公傑九月十五日夜絕句云江南地暖少嚴風九月炎涼正得中溪上玉樓樓上月

清光合作水晶宮吳興因此謂之水晶宮茗溪詩

雪宮坡詩不見飛蚊如立豹請垂白馬過垂虹吟哦相

對忘三伏擬泛冰溪入雪宮謂湖州

金沙泉造茶湖州長城縣啄木嶺金沙泉每歲造茶之

所居常無水湖常二郡守至境具牲祭泉其夕清溢造

御茶畢其水即微減太守造畢即涸張君房

駱駝橋唐垂拱中作駱駝橋以形似駝背名之東坡詩

橋吳江有橋慶曆八年縣尉王庭堅所建東南千

餘尺縈以修欄甃以淨甃前臨具區橫截松陵湖光海

氣蕩漾一色橋有亭名曰垂虹云蘇子美有詩是也

洞庭水經云有洞室入地潜行北通琅玕東武俗謂之

洞庭並圖

杜牧尋春杜牧聞湖州奇麗往遊之因見一女子期

之曰吾不十年來守此郡從所適泊牧守湖女已從人

三年矣牧因賦詩曰自是尋春去較遲不須惆悵怨芳

時東風落盡深紅色綠葉成陰子滿枝

詩餘杭自是水仙窟似聞吳興更清絕湖中橘林新着

霜溪上茗花正浮雪顧渚茶芽白於齒梅溪木瓜紅勝

頰吳兒膾縷蕩欲飛未去先說饒涎垂亦知謝公到郡

久應恠杜牧尋春遲東坡茗溪清淺雪溪斜碧玉寒光照
 萬家誰向月中終夜聽洞庭漁笛隔蘆花陳堯佐題雲
 溪景物見歌詩只有當年杜紫薇沽酒店穿斜巷出採
 蓮船傍後門歸翠沾城郭山千點清醮樓臺水一圍俞
 秀老

常州

菴畫溪古云常州陽羨三湖九溪地志云今只有六溪

其三溪不知其處六溪之中有荆溪首受蕪湖東至陽

羨入海浙俗呼為菴畫溪坡詩

惠山泉劉伯芻論水以楊子江為第一惠山石泉為二

李秀卿論水廬山康王谷水第一無錫惠山泉第二凡

三十六種六乙集

漪瀾堂常州無錫縣惠山寺有漪瀾堂

越州

禹以會稽名郡越州會稽郡禹揚州之域春秋屬越國

春秋元命苞牽牛流為揚州分為越國吳志會稽連南

山萬里北帶浙江吳越春秋禹巡行天下歸還大越會

稽修國之道以會稽名郡云十道志

天姥峯東南山水越為首剡為面沃州天姥為

眉目沃州山剡縣南三十里天姥峯之陰南對天台北

對四明謝靈運詩暝投剡中宿明登天姥峯朱放詩月

在沃州山上人在剡溪江邊文粹

鏡湖會稽山陰編戶三萬號為天下繁劇王羲之每行

山上如鏡中遊獻之曰望鏡湖清流注瀉乃天下山川

之美使人應接不暇道

禹穴司馬遷南遊江淮上會稽探禹穴張宴曰禹巡守

至會稽而崩因葬焉上有孔穴或云禹入此穴史記

苧羅山越州諸暨縣苧羅山有東施家西施家西子姓

施而在西者越王以獻吳王其後竟以滅吳小牘

若耶溪南北風射的山南白鶴山為仙人取箭鄭弘採

薪得一箭有人見而取之鄭弘還之問何所欲弘識其

神人也曰常患若耶溪載薪為難願旦南風暮北風後

果然故若耶溪風至今為然呼為鄭公風本傳

蓬萊閣越州號蓬萊元徽之守越以州宅誇白樂天云

我是玉皇香案吏謫居猶得在蓬萊今越州有蓬萊閣

因元立名及以名酒也坡詩

雲門寺若耶溪雲門寺在越州會稽縣南杜詩

雷門王尊曰母持布鼓過雷門雷門謂會稽有大鼓擊手

千巖萬壑人問顧凱之越州山水曰千巖競秀萬壑爭

流

明州奉化郡

四明山四明山二百八十峰洞周回一百八十里山有

四門通日月星辰光故名四明

鶯脰孫仲益尺牘云四明二湖之勝而新築領其要頃

見曾南豐集記廣德湖俗所謂鶯脰者今墾而為田矣

南豐集

台州天台臨海郡

應台星故名天台天台赤城山高一萬八千丈周回五

百里上應台星故曰天台洞天福地記

赤城山赤城山色赤狀似雲霞故天台賦云赤城霞起

以建標會稽記

玉霄峰天台山有玉霄峰唐司馬子微所居之處

金庭宮按仙經桐柏山金庭宮一名天台山周靈王太

子得道為桐柏真人治金庭宮云

國清寺豐干禪師居國清寺乘虎入松門眾驚後

於天台山示滅

寒山拾得寒山者始豐縣有寒明二巖以居寒巖中得

名時往國清寺就拾得取僧殘食食之拾得者因豐干

行山中見一兒可數歲孤棄豐干携至國清寺名拾得

在厨内滌器嘗日齋畢澄溢食滓寒山來即負之而去

閻丘公出牧豐干造之閻丘乞一言豐干曰到任記謁

文殊普賢曰二菩薩安在師曰國清寺洗器者寒山拾

得是也閻丘尋至寺問寒山拾得是何人有僧對曰二

人現在厨執役閻丘訪之不覺致拜二人連聲叱咄曰

豐干饒舌二人自此相携出松門閻丘又至寒巖禮謁

二人高聲喝之便縮入巖石縫中忽然縫合並傳燈錄

婺州

天文婺女名郡東陽郡禹貢揚州之域春秋為越之西

界秦屬會稽漢初置荆吳二國郡國志婺州正得東越

之地屬會稽為東陽州吳寶鼎元年始分會稽置東陽

郡隋平陳為婺州蓋取地為天文婺女之分野異苑志

陳陽顏烏以純孝著名群烏助銜土成墳烏口皆傷一

境以為至孝所致因以縣名烏傷十道志

温州

郡國志又為東甌十道志永嘉郡會稽之東境也漢永建四年置永寧縣郡國志永嘉為東甌鬱林為西越斯地蠶一年八熟

鴈蕩山自古圖史不載鴈蕩山按西域書云按諾矩羅居震旦東南大海際鴈蕩山唐貫休詩云鴈蕩經行雲漠漠龍湫宴坐雨濛濛其上有經行臺宴坐峯後人以休詩名之古今詩話

衢州

三衢山名州十道志衢州信安郡土地所屬與婺州同唐武德四年李子通於信安縣始置州西有三衢山因

以為名輿地志後漢獻帝初平三年分太末縣立新安縣晉康元年弘農有新安改名信安左傳越伐吳王孫彌庸觀越見姑蔑之旗杜預注今云東陽大蔑縣是此春秋東陽太末也

處州

圖經古縉雲之墟圖經縉雲郡古縉雲之墟也秦為會稽郡漢初為東甌地後以為台州回浦縣光武更名章安晉分為永嘉郡輿地志永嘉郡本會稽東部地晉明帝大寧元年分臨海等五縣立永嘉郡圖經麗水縣有惡道中有突星湫靈與弟書曰聞惡道溪中九十九里有五十九灘永嘉記曰右軍遊惡道嘆其奇絕遂至突星湫靈吳地記松陽縣在南臨大溪有松樹大八十一

園中空可容三十人坐取此以為名永嘉記曰青田縣有草葉似竹可染碧名為竹青此地所豐故名青田浮丘公相鶴經曰青田之鶴

建康 建鄴金陵秣陵皆建康也

王氣本名金陵秦時望氣者曰東南有天子氣五百年有王者興始皇遂東遊以厭之改金陵為秣陵孫權又改為建鄴至晉元帝適當其時

龍蟠虎踞諸葛孔明謂吳帝曰鍾山龍蟠石頭虎踞真

帝王都也寰宇記

猿驚鶴怨楊蟠詩猿驚鶴怨不知處虎踞龍蟠空見山

猿驚鶴怨將山二谷之名翰苑名談

石頭城建安十六年改秣陵曰建鄴孫權改後十七年

又改石頭城

地肺陶隱居真誥云金陵者勾曲之地肺也水至則浮故曰地肺

三茅君三秀山茅濛字物先是有謠曰神仙得者濛初

成繼世而往在我盈濛之孫盈字叔漢地節中得道於

金陵勾曲山受金匱九錫之命為司命真君邦人改勾

曲為茅君山洞仙傳又掇遺又神仙傳大茅君名盈次名

固次名秉老君拜盈為司命真君固為定錄真君秉為

保生真君故號三茅君又真誥注有大茅山中茅山小茅山之峯各秀故曰三秀

往來

西州門江寧府有東府城城中有揚州廨在府西故時

人謂之東府西州而東府之西門謂之西州門又云會稽王道子第在東府城之東謝安薨以道子代領揚州揚州在第西故時人號為東府西州

白下長干 白下縣故城在上元縣城西本江乘縣白石

壘吳都賦長干延屬李善注云江東謂山岡門為干建

南有長干寺城東門有白下亭是也

芙蓉堂 王荆公罷相知金陵作詩曰投老歸來一幅巾

君恩猶許備藩臣芙蓉堂下疏秋水聊與龜魚作主人

東軒筆錄

詩 山圍故國周遭在潮打空城寂寞回淮水東邊舊時

月夜深還過女墻來臺城六代競豪華結綺迎春事最

奢萬戶千家成野草只緣一曲後庭花王濬樓船下

益州金陵王氣黯然收千尋鐵鎖沉江底一片降幡出

石頭荒苑至今生茂草古城依舊枕寒流如今四海歸

皇化兩岸蕭蕭蘆葦秋並劉禹錫玉樹歌沉王氣終景陽兵

合曙樓空梧楸遠近千家塚黍稷高低六代宮石燕拂

雲晴亦雨江豚翻浪夜還風英雄一去豪華盡惟有江

山似洛中許

宣州

宛水昭亭 宛水昭亭山谷詩試說宣州郡停盃且細聽

晚樓明宛水春騎簇昭亭秣稔豐圩戶榭楊臥訟庭謝

公歌舞地時對換鵝經宣州即漢之宛陵縣有宛溪水詩話

打鴨驚鴛鴦 呂士隆知宣州好答官妓適杭州一妓到

士隆喜之一日郡妓復小過士隆欲答之妓曰某不敢

辭但杭妓不安士隆捨之梅聖俞作莫打鴨詩曰莫打鴨打鴨驚鴛鴦鴛鴦新向池西落不比孤洲老鴟鷂

作禿魏泰詩話

徽州

因晉孔愉故名新安郡歙州新安郡屬揚州春秋時屬越秦屬丹陽郡漢志黟縣屬丹陽郡浙江出焉師古曰晉孔愉字敬宗會稽人永嘉之亂避地入新安山谷以稼穡讀書為業信著鄉里後奄忽而去人皆以為神為立廟孔靈村梁書任昉為新安守諷楓香二石始入三兩便止不欲遺之後人及下任昉惟有桃花米二十石圖經曰歙州婺源縣本晉休寧縣東陽記上應婺女星故名
十道志

饒州 鄱陽郡

餘干白雲亭唐劉長卿字文房為隨州守題餘干東齋亭云世事終無夢生涯為半過白雲心已矣滄海意如何後人立白雲亭山谷題云曩誰築孤城勝日有感遇未懷知隨州因榜白雲句
黃詩

斷鰲洲吳時長沙大饑殺人無數孫權使趙達占之曰天地川澤相通如人四體鼻衄灸脚而愈今餘干水口嘗暴起一洲形如鰲食彼郡風氣可掘去權遣人斷其背饑遂止其水在饒州餘干縣
洽聞錄

干越亭饒州餘干縣有干越亭前瞰琵琶洲後枕思禪寺林麓森鬱千峯競秀張祐題云扁舟亭下駐煙波十五年遊從此過洲背露沙人渡淺風梢藏竹鳥啼多層

欄漲水痕猶在古板題詩字已訛况是高秋正圓月可
堪聞聽異鄉歌文公談苑

楚州 山陽

壽州 壽春

廬州 廬江

海州 海陵

和州 歷陽

濠州 渦口

隆興

隋平陳為洪州豫章禹貢揚州春秋吳秦九江郡漢豫

章隋平陳為洪州志道

慨口城東十三里縣列江邊名慨口豫章大江之口也

昌邑王每乘流東望輒憤慨而還故謂之慨口後地理志

豐城寶劍干牛斗張華傳云初吳之未滅牛斗之間常

有紫氣術者以為吳方強盛惟張華以為不然及吳平

紫氣愈明華聞豫章人雷煥妙達緯象乃邀煥同登樓

仰望煥曰斗牛之間頗有異氣華曰是何祥也曰寶劍

之精上徹于天耳華問在何郡曰在豐城華即補煥為

豐城令掘獄屋基入地四丈餘得石函中有雙劍一曰

龍泉二曰太阿其父斗牛間不復見氣焉

陳蕃榻後漢陳蕃任南昌罕所接見惟設一榻以待徐

穉去則懸之故滕王閣記云人傑地靈徐孺下陳蕃之

榻

贛州

隋平陳立虔州南康郡春秋吳秦九江郡漢為贛縣屬

豫章後漢興平二年分豫章廬陵郡而贛縣屬焉晉大

康二年立南康郡隋平陳立虔州以虔化水而得名又

曰南康縣本漢南野縣吳錄南野縣有大庾山九嶺嶠

通廣泉十道

八境孔周翰守虔以八境圖寄東坡求詩坡為賦八首

鬱孤臺章貢臺白鶴樓阜蓋亭塵外亭

螺女廟謝端鈞於江上獲巨螺置之於家每歸則飲食

盈按潛侯之有女子具饌於室執而問焉女曰我乃螺

女水神天帝憫君之孤遣為具食我亦當去乃留空螺

曰君有所求取於螺出門不見後端食之探螺皆如意

傳數世猶在故有螺女洲螺女廟在虔州東南坡詩

袁州

隋平陳置州宜春屬楊春秋吳秦屬九江郡漢為豫章

郡之宜春縣晉武改宜陽隋平陳分洪州宜陽立袁州

吳錄宜春縣出美酒每歲上貢賦計吏

吉州

以吉陽山名郡吳越戰國楚秦併天下屬九江南部都

尉漢為廬陵縣屬豫章雷次宗豫章志獻帝初平二年

始立郡圖經隋平陳改廬陵郡為吉州以吉陽山為郡

名並十道志

撫州

隋平陳置州臨川郡禹貢揚州春秋吳地秦九江郡漢

立南昌縣後漢分南昌立臨汝縣吳太平二年分豫章

之臨汝南城縣立臨川郡即今州也隋平陳置撫州晉

王羲之為臨川內史宅於郡城東偏荀伯子臨川記曰

右軍故宅其地爽塏山川若畫每重陽日二千石多萃

於斯舊宅及墨池猶存漢地理志高帝六年大將軍灌

嬰立洪州其年分洪州南境之南城縣以其在郡城之南故曰南城十道志

江州

宮亭湖廬山南臨宮亭湖西南有雙闕壁立千餘仞有

瀑布焉後地理志

琵琶亭詩夜泊潯陽宿酒樓琵琶亭畔荻花秋雲沉鳥

沒事已往月白風清江自流

吏隱白居易江州司馬廳記曰郡南樓山北樓水溢亭

百花亭風篁石巖瀑布廬宮源潭洞東西二林寺泉石

松雪司馬廳盡有之苟有志吏隱舍此何求焉職官分紀

錦繡萬花谷前集卷之五

錦繡萬花谷前集卷之六

西京

藝祖誕聖西京應天寺本後唐夾馬營大中祥符二年

以太祖誕聖之地建寺銘名後奉祖宗神御揮塵錄

五相隣居西洛有五相隣居詩賡和文潞公富韓公弼

王相二張相也故諺云吾鄉有宰相坊責瑣

揚州

三十六英雄楊行密起合肥所與起事者劉威陶雅之

徒號三十六英雄後都揚州徐溫傳

甓社湖珠嘉祐中揚州有一珠甚大初出于天長縣陂

澤中後轉入甓社湖後又入新開湖中九十餘年常常

見之珠大如拳爛然不可視十餘里間林木皆有影如

日初照沈存中筆談

戲馬賞心唐李蔚鎮淮南見郡寡勝遊之地命於戲馬亭西連玉鈎斜葺亭名曰賞心亭以備遊宴杜苑叢談

潭州

橘洲張舜民南遷錄橘洲在湘州南北與州城等又詩

注秦少游死藤州其子護喪藁殯潭州魯直有詩云長

眠橘洲風雨寒謂此山谷詩注

蒸池衡陽縣吳之臨蒸以蒸水名老杜詩衡嶽江湖大

蒸池疫癘偏今在潭州后山寄潭州詩宣室來何暮蒸

池得借留寰宇記

定王城賈傅井杜詩不見定王城舊處長懷賈傅井依

然即長沙定王湘州南寺之東有井即賈誼宅有井小

而深上欵下大狀如壺今為陶侃廟

絕長沙人咤吾州有三絕天下不可及猫頭笋一枚

重秤鐵黑潭取魚一網踰千觔巨艦漕米一船萬石出

錄遊

永州

愚溪柳子厚愚溪詩序曰瀟水之陽有漢焉東流入瀟

或曰冉氏嘗居之故姓是溪為冉溪余以愚觸罪謫瀟

水上愛是溪入二三里得其尤絕者家焉更名之為愚溪

浯溪陶嶽零陵記曰浯溪在永州北水路一百餘里唐

上元中容管經畧使元結罷任居焉謂溪世無名為自

愛之故名溪曰浯溪山曰嵒峰亭曰浯亭意取其獨有

也因刻中興頌在旁

瀟水 永州地名鼻亭窮崖絕徼非人迹可歷其下乃瀟水俗謂麻灘岸有廟即象祠也孟子曰舜封象於有庠所以富貴之也 倦游錄

朝陽巖 元結朝陽巖序曰零陵郭中有水石之異泊舟尋之得巖與洞以其東向遂以朝陽名之

淡山巖 零陵總記云淡山巖在永州西南其地宜淡竹故黃有詩云去城二十五里近天與隔盡俗子塵謂此**故人亭** 梁柳惲詩汀洲採白蘋日晚江南春洞庭有歸客瀟湘逢故人後因於瀟湘水合處立故人亭

荆南

九十九洲 江陵先有九十九洲古老相承云洲滿百當出天子桓元為荊州刺史內懷逆心乃遣擊破一洲以

應百數隨即崩散宋文帝為宜都王在藩一洲自生俄而文帝紹統後遇禍此洲復沒太清末枝江合浦復生一洲明年梁元帝即位帝太清初為荊州刺史至承聖末其洲與大岸相通惟九十九洲云魏師圍荊州虜元帝去

野鷹臺 劉表為荊州牧築臺名呼鷹乃作野鷹來曲坡詩云莫上呼鷹臺平生笑劉表

息壤 江陵南門之外甕門之內東垣下有小瓦堂室一所高三尺許詢其州人曰此息壤也鞠其由數百年前此州忽為洪濤所沒未沒者三二版州帥惶懼有書生博讀甚廣召問之曰此是息壤也息壤記曰禹湮洪水茲有海眼泛之無常禹乃鑄石造龍之宮室寘于穴中

以塞水脉後築此城毀其舊制是以有此患請掘而求之果得石室已損荆帥於是息壤培之其水始絕今於其上起屋以法其所也 玉堂閑話

柏堂畫渚宮故事天皇寺柏堂有張僧繇圖盧舍那佛夜有奇光發屋唐閣立本嘗觀舊迹明日往又明日往留宿其下十餘日不能去

鄂州

黃鶴樓李太白詩我且為君推碎黃鶴樓君亦為我倒

邛鸚鵡洲坡詩黃鶴樓前月滿川意起於神異

陶公柳坡詩連山蟠武昌翠木鬱樊口空傳孫郎石無

復陶公柳陶侃嘗課諸營種柳都尉夏施盜植之已門後侃見問曰此武昌西門柳何故盜種此施

服罪陶傳

菩薩泉寰宇記樊山在鄂州武昌縣西山東十步有岡岡中有東溪東坡序曰寒溪少西數百步則為西山寺有泉色白而甘號菩薩泉李常侍謂予豈昔阿育王所鑄文殊金像所在乎

怡亭歐公集古錄曰怡亭銘在武昌江中有小島亭在其上刻千島石李冰陽篆裴虬撰

周瑜與曹公遇于赤壁瑜部將黃蓋取蒙衝闖艦貫以薪草裹以帷幕欺以欲降蓋放火諸船同時火發延燒岸營曹公敗退 吳志周瑜傳

山作八字數不及九 **戴詳**言於庾亮曰武昌土地有山無林政可圖始不可居終山作八字數不及九昔吳用壬寅來上創宮城至己酉還下秣陵陶公亦涉八年土

地盛衰有數人心去就有期不可移也公宜更擇佳處
不可久住 晉方技傳

成都

宋武伐蜀之謀宋武帝與朱齡石密謀伐蜀譙縱帝曰
劉敬瑄往年出黃武無功而退賊謂我今當外水往而
料我當出其不意猶從內水來也必重兵守涪城以備
內道若向黃武正墮其計今以大衆自外水趣成都疑
兵出內水此制敵之奇也別有函封付齡石至白帝乃
開曰衆軍悉從外水取成都臧熹朱枚於中水取廣漢
使羸弱乘高艦十餘由內水向黃武譙縱果備內水齡
石至彭模斬其將侯畔縱奔巴西巴西人斬之 南史齡
蠶叢啓國之誓老杜石筍行云君不見益州城西門陌

上石筍雙高蹲古來相傳是海眼苔蘚食盡波濤痕雨

多往往得瑟瑟此事恍惚難明論恐是昔時卿相基立

石為表今仍存 成都府城西金容坊有石二株挺然聳

曰蜀妃聞日沉犀石曰魚鳧山壇曰西海之眼曰五丁
石門皆非也圖經云乃前秦寺之遺址諸葛亮掘之方
驗有篆字曰蠶叢氏啟國誓蜀之碑以二石柱橫埋連
接鐵其中一南一北無所偏邪又五字濁歌燭蠲蠲時
人莫曉後蜀相范賢議曰亥子歲燭字可記主火災辰
卯歲燭字可記主饑饉巳午歲燭字可記主火災辰戌歲
蠲字記主兵災申酉歲蠲字記主
稼穡富饒悉以年事推應驗符響

濯錦江成都記濯錦江丞相張儀所作笮橋東下枕水

此水濯錦則鮮明他水則不能又有虹橋 杜詩注

錦宮城錦宮城畔柏森森 成都府城亦呼為錦宮城以

萬里橋華陽乃成都倚郭縣名東有萬里橋諸葛亮送

吳使至此曰萬里之行自此始也 蜀志

散花樓唐成都府有散花樓河中府有薰風樓綠莎廳
鄭州有夕陽樓李學士家談

龜城秦惠王遣張儀取蜀以龜之行迹築城謂之龜城

殷文圭集注

畫廳淳化中李順亂蜀張乖崖鎮蜀日郡西有堂屏乃

黃筌畫雙鶴花竹名曰雙鶴亭南壁乃黃氏畫湖灘山

水雙鷺冠於兩川賊平公自置畫為一堂名曰畫廳湘山

野錄

石犀秦李冰為蜀太守立石犀五頭以厭水精後轉為

牛一左石牛門一在淵中又作三石人立水中與江神

要水竭不至足盛不沒肩又鑿平水道水神怒冰乃操

刃入水乞神闕迄今蒙福村石犀行注

福州

望海亭蔡君謨守福州李泰伯訪之一日命泰伯陳列

早膳於望海亭膳罷籍妓鬻酒後亭斂袂聲喏而過蔡

遂留之旋命觥具方歌一拍陳怖駭越墻攀木而遁泰

伯即席賦詩云七閩山水掌中窺乘興登臨至落暉誰

在畫簾沾酒處幾多喧櫓赴潮歸晴來海色依稀見醉

後鄉心積漸稀山鳥不知紅粉樂一聲檀板便驚飛湘江

野錄

中官區數唐時諸道歲進闈官號白闈嶺尤多後皆任

事當時謂閩中為中官區數

建州

武夷北苑壑源沙溪北苑壑源沙溪皆造茶之處北苑

蕭石書堂

官焙也歲貢爲上壑源私焙也爲次沙溪外焙也爲下東坡詩云帝規武夷作茶園山爲孤鳳翔且嗅胡仔云余至富沙按其地武夷在富沙之西隸崇安二百餘里北苑在富沙之北隸建安去城二十五里即與武夷相去遠甚武夷未嘗有茶茶之精者乃在北苑自有一溪南流至富沙城下方與武夷水合流東去其言帝規武夷作茶園者非也又以武夷山爲鳳凰山故有山言帝規武夷作茶園者非也又以武夷山爲鳳凰山故有山爲孤鳳翔且嗅之句北苑茶山乃鳳凰山也方悟東坡爲人所誑鳳尾硯必是劔浦黯淡灘石茗溪詩話

興化

壺公山

興化讖云壺公山若斷莆田朱紫半水遶壺公

山此時方好看蔡君謨興水利引水遶壺公山登第在朝朱紫半矣搜神秘覽

廣州

五羊昔高固爲楚相五羊銜穀至其庭因以五羊名其地六國時廣屬楚故也廣川記

鬼工築城

魏罐侍郎知廣州子城一角忽頽一古磚有

四大字云委於鬼工是魏字公感其事大築新之罷還未幾儂寇廣州外城一擊而圯獨子城堅民賴以生賊平以公有前知之備加諫議大夫再知五羊公以築城之功自論久不報作感懷詩內云螭頭賜對恩雖厚雉堞論功事已空文潞公採詩呈加龍圖閣學士尹應天府古今詩話

蜺子蠻婢 丘濬詩碧睛蠻婢頭蒙布黑面胡兒耳帶環

幾處樓臺皆枕水四周城郭半圍山○街上腥臊堆蜺

子口中膿血吐檳榔○風腥蠻市合日上瘴雲紅又丁

謂詩梅花過嶺路桃葉渡江船

夢燈 廣守數人連卒多見夢燈後段公作守夢燈遍郡

城以為憂未幾果九十日卒 見聞錄

海神廟 唐天寶十載封南海神為廣利王廣州之東南

海道八十里扶胥之口黃木之灣嘗以立夏氣至祝冊

自京師至命刺史行事祠下事訖驛聞當祀時海常多

大風將往皆憂戚故嘗以疾為辭委其副韓碑云號祝

融廟

經過城門得三千萬世云廣州刺史但經城門一過便

得三千萬 謝現傳

會 州北二十里名石門有水曰貪泉飲者懷無厭之

欲吳隱之為廣州刺史至泉所飲之賦詩曰古人云此

水一飲懷千金試使夷齊飲終當不易心 本傳

諸郡名

兩浙道院 淮南道院 江陰軍北阻大江地僻鮮將迎之

煩公事絕少通州南阻江東北瀕海訟稀事簡士大夫

謂江陰為兩浙道院通州為淮南道院 通水筆談

節度軍州名 建康軍 建康 護國軍 河中 永興軍 京兆 成

德軍 真定 天雄軍 大名 武安軍 徐州 泰寧軍 兗州 保平軍 陝州

昭德軍 潞州 威武軍 福州 寧海軍 杭州 鎮東軍 越州 安遠軍 安州 彰

武軍 延州 鎮南軍 隆州 武昌軍 鄂州 寧江軍 夔州 寧武軍 利州 清海

軍州廣定難軍州夏鎮海軍州青天平軍州鄭彰信軍州曹安化軍
 密鎮安軍州陳忠武軍許武勝軍鄧武成軍滑南康軍房
 奉寧軍鄭昭化軍金淮康軍蔡末清軍州定武軍州鎮
 康軍州建雄軍州定安軍州邠永安軍州彰德軍州橫海
 軍州鎮西軍州定國軍州鎮潼軍州威德軍州靜難軍
 州彰化軍州保大軍州雄武軍州保信軍州廣忠信軍州
 集慶軍州寧國軍州昭信軍州平江軍州蘇鎮江軍州泰
 國軍州昭慶軍州保寧軍州武安軍州平海軍州建寧
 軍州武信軍州安德軍州武康軍州武泰軍州靜江軍
 州靜建寧軍州寧遠軍州崇信軍州順昌軍州忠武軍州
 保靜軍州武平軍州安靜軍州
 總地里

鬼門關崑崙關桂嶺九驛至象南左右分兩岐皆適二
 百里而阻山南北十餘墩攢峰疊嶂萬仞蔽天中鑿險
 道而度號曰關右岐由賓而之邕交曰崑崙關左岐由
 貴鬱林而之雷瓊曰鬼門關遷客流人遠投海表生還
 者稀彬江集

山東古所論山東乃今之河北晉地今所謂山東乃古
 之齊地青齊是也謂之山東蓋太行山之東也坡詩
 曹溪口水香梁天監中有婆羅門智樂者南遊至曹溪
 口掬水聞香云此必勝地可建道場後六祖果來此住
 遂建南華寺今屬韶州

陵井監天師張道陵居鶴鳴山行正一盟威之法一日
 有美女十二列於庭曰願為箕箒妾道陵知陰神十二

時之直乃謂之曰汝等何以爲獻女各出玉環一枚爲
贄道陵曰難以併納吾將十二環作一環投入地有得
者納之道陵取環投地淪成一深井玉女皆脫衣入井
探環井深五百七十尺環不可得出井取衣已爲天師
所匿衆女泣下天師乃令玉女居於井中至唐末王建
爲盜昏見■裸體婦人迫之不能及以刀刺之如中鐵
石忽長丈餘目若電光猝建之髮挈而南去或在虛或
在地至曉約三百里置王於地其形復爲女子曰我欲
碎爾爲齏粉爲爾當爲吾國之土地主當改心易行富
貴至矣及平巢賊李茂貞難建遂有功梁祖開國王乃
僭位遣人於鹽井致醮玉女出半面享之初天師以地
荒梗不可耕乃因玉女遂化鹽井以救窮民今陵井是

也取天師之名故曰陵井雲齋廣記

黃牛峽杜詩云白狗峽黃牛山山在縣北高三十一里
有石如人負力牽牛人黑牛黃行者歌曰朝發黃牛暮
宿黃牛一朝一暮黃牛如故曰白狗斜臨北黃牛更在
東

盤屋二曲鳳翔府有盤屋縣長安志云山曲曰盤水曲
曰屋故曰二曲樂史寰宇記

七盤遶雷之固王莽命王級曰遶雷之固南當荆楚四
阨塞其道屈曲溪谷之水回遶而雷也

白門樓下邳城南門謂之白門樓曹公擊呂布登白門
樓兵圍之急乃下降布傳

琅邪臺在沂州之沂水海州之朐山密州之諸城三縣

界先是越王勾踐嘗治此秦始皇登山樂之作琅邪臺
其地在今諸城之東南 坡詩注

黃樓熙寧十年河決澶淵水及彭城下子瞻為彭城守
率禁卒登城捍水即城之東門為大樓堊以黃土土勝
水色黃故以為名子瞻詩云我生黃樓上欲作黃樓詩
忽得故人書中有黃樓詞黃樓高十丈下建五丈旗楚
山以為城泗水以為池 坡詩

漢陂杜詩有漢陂行士大夫多讀為蕩漾之漾此字從
水從美以彼中有魚極美得名 坡詩注

鑿杜固唐杜正倫與城南諸杜系遠求同譜不許諸杜
所居號杜固世傳其地有壯氣故世衣冠正倫建言鑿
杜固通水利既鑿川流如血自是南杜稍不振 正倫傳



知不足齋

卷之八

前二

書